

Na osnovu člana 7. stav 3. Zakona o općoj sigurnosti proizvoda („Službeni glasnik BiH, broj 45/04), člana 14. Zakona o nadzoru nad tržištem u Bosni i Hercegovini („Službeni glasnik BiH”, broj 45/04), člana 1. Odluke o obliku i sadržaju obavještenja o opasnom proizvodu („Službeni glasnik BiH”, broj 45/08) i člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine na prijedlog Agencije za nadzor nad tržištem Bosne i Hercegovine, 56. na sjednici održanoj 24. jula 2008. godine, usvojilo je

PRAVILNIK

O INTERNIM PROCEDURAMA I POSTUPANJU PO PRIJEMU OBAVJEŠTENJA O OPASNOM PROIZVODU

Član 1.

(Predmet)

Ovim Pravilnikom utvrđuju se interne procedure i postupanja organa koji čine sistem nadzora nad tržištem Bosne i Hercegovine u skladu sa članom 8. Zakona o nadzoru nad tržištem u Bosni i Hercegovini nakon prijema obavještenja iz člana 2. Odluke o obliku i sadržaju obavještenja o opasnom proizvodu.

Član 2.

(Definicije)

U svrhu ovog Pravilnika, primjenjuju se definicije iz člana 2. Zakona o općoj sigurnosti proizvoda, kao i sljedeći pojmovi:

- a) „kontaktna tačka“ je mjesto za prijem obavještenja o opasnom proizvodu od proizvođača i distributera. Kontaktna tačka je Agencija za nadzor nad tržištem Bosne i Hercegovine (u daljnjem tekstu: Agencija).
- b) „kontaktna mjesta“ su mjesta koja primaju obavještenja od kontaktne tačke i prosljeđuju ih nadležnim inspekcijama. Kontaktna mjesta su:
 - Federalna uprava za inspekcije poslove Federacije Bosne i Hercegovine,
 - Republička uprava za inspeksijske poslove Republike Srpske, i
 - Inspektorat Brčko Distrikta Bosne i Hercegovine.

Član 3.

(Sistem razmjene obavještenja o opasnom proizvodu)

- (1) Po prijemu obavještenja o opasnom proizvodu, Agencija prosljeđuje sve raspoložive informacije kontaktnim mjestima, i to bez odgađanja ili najkasnije u periodu od tri dana po prijemu obavještenja.
- (2) Agencija je dužna da, kada je neophodno, zahtijeva dodatne informacije od proizvođača i distributera o riziku koji izaziva proizvod i poduzetim mjerama i radnjama na sprečavanju rizika.
- (3) Agencija prosljeđuje sve dodatne informacije iz stava 2. ovog člana kontaktnim mjestima, koja, kada je neophodno, procjenjuju da li treba provjeriti druge slične proizvode na tržištu Bosne i Hercegovine.

(4) Agencija, na zahtjev proizvođača, distributera i kontaktnih mjesta, pruža stručnu pomoć u pogledu procedure obavještanja o opasnim proizvodima i rizicima.

(5) Nadležna inspekcija po prijemu obavještenja o opasnom proizvodu:

- a) provjerava da li se proizvod nalazi na tržištu Bosne i Hercegovine,
- b) prati da li su proizvođači i distributeri poduzeli odgovarajuće mjere protiv rizika koji izaziva proizvod već stavljen na tržište, i
- c) kada je neophodno, nalaže ili poduzima mjere za sprečavanje rizika u skladu sa članom 9. Zakona o nadzoru nad tržištem u Bosni i Hercegovini.

(6) Kontaktno mjesto je dužno da pismeno obavijesti Agenciju o nalazima izvršenog nadzora i o rezultatima poduzetih mjera iz stava 5. ovog člana.

Član 4.

(Obaveze kontaktne tačke)

Agencija je dužna da :

- a) objedinjuje i vodi centralnu evidenciju svih podataka i informacija o rizicima i opasnim proizvodima, poduzetim mjerama i rezultatima,
- b) obavještava nadležne institucije Bosne i Hercegovine o opasnom proizvodu, poduzetim mjerama i rezultatima,
- c) blagovremeno informiše javnost o riziku i opasnim proizvodima.

Član 5.

(Razmjena informacija)

Agencija i kontaktna mjesta razmjenjuju informacije od značaja za opću sigurnost proizvoda na tržištu Bosne i Hercegovine.

Član 6.

(Stupanje na snagu)

Ovaj Pravilnik stupa na snagu osmog dana od dana objavljivanja u „Službenom glasniku BiH“.

VM broj 135/08
24. jula 2008. godine
Sarajevo

Predsjedavajući
Vijeća ministara BiH
dr. **Nikola Špirić**, s.r.

Prilog 1
(Kontakt informacije)

Dio A: Podaci o kontaktnoj tački

Naziv institucije: Agencija za nadzor nad tržištem BiH

Adresa: Karadorđeva 8, 71 123 Istočno Sarajevo

Telefon: +387 57 340 718, 343 503, 343 504

Fax: +387 57 343 502

E-mail: msa.info@annt.gov.ba

Kontakt osobe: **Azra Tabaković**
 Mičo Drljo

Dio B: Podaci o kontaktnim mjestima

Naziv institucije: Federalna uprava za inspekcijske poslove FBiH

Adresa: Turhanija 2, 71 000 Sarajevo

Telefon: +387 33 563 360

Fax: +387 33 563 361

E-mail: info@fuzip.gov.ba

Kontakt osoba: **Anis Ajdinović**

Naziv institucije: Republička uprava za inspekcijske poslove RS

Adresa: Kralja Petra I Karadorđevića 103, 78 000 Banja Luka

Telefon: +387 51 213 624, 213 628, 213 719

Fax: +387 51 213 734

E-mail: uprava@inspektorat.vladars.net, b.surtov@inspektorat.vladars.net

Kontakt osoba: **Borka Surtov**

Naziv institucije: Inspektorat Brčko Distrikta BiH

Adresa: Bulevar mira 1, 76 100 Brčko

Telefon: +387 49 220 022

Fax: +387 49 220 002

E-mail: azijada@bdcentral.net

Kontakt osoba: **Azijada Ibrahimović**

Prilog 2

Dijagram toka informacija o opasnom proizvodu u Bosni i Hercegovini

